

都城紀勝

釣磯立談

一

都賦卷之五

癸亥元宵購于
京師海王村
丹崖王荅生



棟亭十二種

辛酉八月

松濤題



辛酉八月上海古書流通處影印

序



古者立言之士志在不朽卒至煙沉霧滅不能
傳世而行遠者非必其書之不善以無人為之
刊布也吾觀古今著述多矣然自漢隋而下見
之史家著錄者往往有空存其目之歎語曰莫
為之後雖美弗傳然則蒼葦羣籍授之梓人
有功前賢人或比之於掩骼埋胔者豈宜譽哉
誠知其為惠匪淺也棟亭十二種者康熙時曹
子清先生所刻也先生名寅奉天人官至通政
使江甯織造家富藏書其可知者魏鶴山毛
詩要義樓攻媿文集則宋槧本也多鈔本如

石刻鋪叙宋朝通鑑長編紀事本末太平寰宇
記春秋經傳闕疑三朝北盟會編後漢書年表
崇禎長編則皆鈔自曝書亭蓋先生與朱竹
垞交契因得錄其副本者也顧自來藏書家獲
一珍笈秘不示人其究也絳雲一炬盡付灰燼良可慨
惜先生以為藏書不如刻書於是彙刊此十二種期
以流傳於世雖其間硯箋琴史諸書僅足備藝術
之用然皆宋元人遺製世不經睹先生之發潛闡
微霑邇來學有足多矣吾聞先生服官十餘年
其生平政績無可考見獨留此十二種彙編以流聲
後來者魏文有云年壽有時而盡榮祿止乎其

身二者必至之常期末若文章之無窮嗚呼人生
天壤間不克以功德彰著於世網羅散佚俾我之姓
名相附而益顯斯豈可忽乎哉棟亭者先生父於
白門使院手植棟樹數株因結亭其間顏曰棟亭先
生追念手澤嘗屬諸名人賦之遂亦取以自號者也陳
君立炎設書籍鋪於滄濱名曰古書流通處往者
曹倦圃氏嘗著有流通古書約矣其言曰人竭一生
心力辛苦成書大不易事渺々千百歲崎嶇兵攘劫
奪之餘僅而獲免可稱至幸又幸而遇賞音者知
蓄之珍之謂當繡梓流行否亦廣諸好事計不出
此使單行之本寄篋笥為命稍不致慎形迹永絕只

以空名挂目錄中自非與古人深仇重怨不應若尔
是蓋歎息痛恨於好古之家愛護所有不能使山
潛冢秘義衍人間叔為此約所以望後之君子聞風
接響而起咸知以表章散佚為身任也今立炎取棟
亭十二種與知不足齋叢書重為付印則其流通載
籍可謂名實相副矣豈不善哉余雖不文故樂為
之序云辛酉中元節吳興劉承幹書於歌浦之

嘉業堂



棟亭十二種總目

都城紀勝一卷

宋耐得翁

釣磯立談一卷

唐史虛白

墨經一卷

宋晁說之

法書攷八卷

元盛熙明

硯箋四卷

宋高似孫

琴史六卷

宋朱長文

梅苑十卷

宋黃大興

禁扁五卷

元王士點

聲畫集八卷

宋孫紹遠

後村千家詩選二十二卷

宋劉克莊

糖霜譜一卷

宋王灼

錄鬼簿二卷

元鍾嗣成

古書流通處借南陵徐

氏藏棟亭原刻本景印

棟亭藏本

都城紀勝

揚州詩局重刊

古書流通處借南
陵徐氏藏本影印

都城紀勝序

聖朝祖宗開國就都於汴而風俗典禮四方仰之
自高宗皇帝駐蹕於杭而杭山水明秀民物康阜視京
師其過十倍矣雖市肆與京師相侔然中興已百餘年
列聖相承太平日久前後經營至矣輻輳集矣其與中
興時又過十數倍也且洛陽名園記後論有云園囿之
興廢者洛陽盛衰之候也況中興行都東南之盛爲今
日四方之標準車書混一人物繁盛風俗繩厚市井駢
集豈昔日洛陽名園之比僕遭遇明時寓遊京國目覩
耳聞殆非一日不得不爲之集錄其已於圖經志書所
載者便不重舉此雖不足以形容太平氣象之萬一亦



髣髴名園記之遺意焉但紀其實不擇其語獨此爲媿
爾時宋端平乙未元日寓灌圃耐得翁序

都城紀勝目錄

市井

諸行

酒肆

食店

茶坊

四司六局

瓦舍衆伎

社會

園苑

舟船

鋪席

坊院

閑人

三教外地

都城紀勝



灌圃耐得翁

井市

自大內和寧門外新路南北早間珠玉珍異及花果時
新海鮮野味奇器天下所無者悉集於此以至朝天門
清河坊中瓦前灞頭官巷口棚心衆安橋食物店鋪人
煙浩穰其夜市除大內前外諸處亦然惟中瓦前最勝
撲賣奇巧器皿百色物件與日間無異其餘坊巷市井
買賣關撲酒樓歌館直至四鼓後方靜而五鼓朝馬將
動其有趁賣早市者復起開張無論四時皆然如遇元
宵猶盛排門和買民居作觀玩幕次不可勝紀隆興間